



MYNDIGHETEN FÖR
TILLGÄNGLIGA MEDIER

VIRANOMHAINEN SAATAVILLE MEETIOILE

Tervetuloa Legimuksheen ja puhekirjoitten mailhmaan!

Sillä lapsella jolleko sie olet huoltaja oon maholisuus saaja saatavuuen puhekirjain henkilökohtasen käyttäjäkontun kautta Legimuksessa.

Mikäs puhekirja oon ?

Puhekirja oon sisäleluettu kirja joka oon jo painettuna kirjana. MTM tekkee puhekirjoja tekiäoikeuslain tuella. Net oon luettu sisäle erityisesti henkilöile joilako toimintarajotuksen, saihrauen elikkä vahingon kautta oon hankaluuksia lukea painettua tekstiä.

Mitäs Legimus oon?

Legimus oon digitaali kirjasto jostako Viranomhainen saataville meetioile, MTM, oon vastuulinen. Kontula lapsi saattaa lainata puhekirjoja. Lapsi saattaa käyttää Legimusta niin koulussa ko vapa-aikana.

Mitäs Legimuksessa oon?

Legimuksessa oon yli 115 000 puhekirjaa, niin kertomuksia ko faktakirjoja. Niitä oon kansa puhekirjoja muila kielilä. Jokku puhekirjat lukevat vain ylös tekstin, mutta monessa puhekirjassa oon kansa tekstiä ja kuvia. Osotheela legimus.se/barn oon kirjatipsiä ja artikkelejä jännittäivistä aiheista. Lapsi saattaa ittekki tipsata muista kirjoista.

Näin lapsi saattaa lukea puhekirjoja

Lapsi saattaa lukea puhekirjoja monela erilä laila: mupilissa, syrffiplatassa elikkä daattorissa apila legimus elikkä Legimus webbipellaajalla.

Syportti

Konttua Legimuksessa administreeraa kansan- elikkä koulukirjasto. Lapsi saattaa kääntyä omhaan kirjasthoon ette saaja apua legimuskontun kansa.

Käyttäjäsopimus Legimukselle

- Kirjat oon suojattu Tekiäoikeuslailta ja niitä saavat vain käyttää henkilöt joilako toimintarajotuksen kautta oon hankaluuksia lukea painettua tekstiä.
- Ko sie laajaat alle puhekirjan elikkä panet sen Kirjahyllyle se räknäthään lainaksi. Laina-aika oon 6 kuukautta. Kirja jätethään takashiin suttamalla laina pois.
- Sisälelokkaustiot ja puhekirjat oon meinattu lapsen omhaan käythöön eikä niitä saa jättää ulos muile.

Mitäs tapahtuu jos lapsi rikkoo sopimuksen?

- Jos lapsi rikkoo sopimuksen hään menettää oikeuen ette käyttää palvelua.

- Laiton levittely puhekirjoista on rikos tekiäoikeuslakia vasten ja saattaa johtaa syytheeseen. Ko puhekirjat laajathan alle net merkithään tioila kuka puhekirjat on lainanu. Jos laittomasti levittää MTM saattaa seurata kuka on lainanu puhekirjan.

Daatasuojelu

MTM tallehtii ja käyttää sinun ja sinun lapsen henkilötietoja Daattasuojelumääräyksen (GDPR, 2016/679/EU) mukhaan. Nimi, sähköpostiosote ja henkilönumero elikkä syntymätaatumu ja tunnusnumero LMA-kortile rekistrearathan MTM:in käyttäjärekisterhiin. Sama jällaa kansa lapsen huoltajan nimele ja syntymätaatumille. Nimi, sähköpostiosote ja henkilönumero ja elikkä syntymätaatumu ja tunnusnumero LMA-kortile pittää aina olla käyttäjärekisterissä. MTM ei saata laittaa konttua jos sie panet vasthaan semmosta rekistreausta. Tietoja saatethaan käyttää ette tehä statistisia tutkintoja ja arviointia meän palveluista. Sulla on aina oikeus sanoa ette sie et halvaa ette sinun kansa otethaan yhtheyttä semmoshiin tutkimukshiin. Se tehään legimus.se ”Mina sidor” elikkä ottamalla yhtheyttä sinun kirjaston kansa.

Henkilöt joilako on suojatut henkilötiet saattavat vaatia ette heän tiot hantteerathan sekretessiluokiteltussa rekisterin osassa. Siinä rekistrearathan vain henkilönumero ja sähköpostiosote elikkä syntymätaatumu, tunnusmerkki sinun lapsen LMA-kortissa ja sähköpostiosote, nimi ja syntymätaatumu huoltajalle. Se on vain vissit henkilöt MTM:issä jotka saattavat nähä tietoja.

Lue lissää kunka met hatteeraama henkilötiet meän integriteetikätänössä. Sen sie löyät www.mtm.se/hantering-av-personuppgifter/

MTM:ilä on oikeus ette mutiveeratun johon mukhaan muuttaa käyttäjäsäntöjä. Huoltajanna lapsele joka käyttää Legimusta sulla on vastuu ette omala innola pittää itteästi tietosanna muutoksista ja ilman oottamista ilmottaa MTM:in Vastauspalvelhuun, jos sie olet muutoksia vasthaan. Jos sie olet vasthaan muutosta se merkittee ette saatavuus Legimuksesta saattaa loppua MTM:in käskylä.

Sopimus on päivitetty 2018-05-22 ja on voimassa toistaseksi.

Huoltajan hyväksyminen

Tällä planketilla sie huoltajanna annat sinun hyväksymisen siiheen ette lapsi rekistrearathan käyttäjäksi Legimukselta.

Lapsen tiot

Etunimi

Sukunimi

Sähköposti jotako käytethään käyttäjänimenä Legimuksheen ja ette lähättää sisälelokkaustietoja ja informasuunia. Vältä mielelhääns sähköpostiosotetta joka on liittyny lapsen kouhuun sillä ko se loppuu ko lapsi heittää koulun.

Henkilönumero elikkä sovittelunumero

Jos lapsi hakkee asyliä Ruotiiin:

Syntymätaatumii

LMA-numero (XX-XXXXX)

LMA-kortin voimassaoloaika

Huoltajan tiot

Syntymätaatumii _____

Etunimi _____

Sukunimi _____

Käyttäjäsopimus ja daattasuojelu

() Mie, huoltajanna, olen luku ja hyväksyn Legimus käyttäjäsopimuksen.

() Mie, huoltaja, hyväksyn ette MTM koko sisäle ja hantteeraa minun ja lapsen henkilötietoja sillä laila niinku oon mainittu daattasuojeluselostuksessa MTM:in käyttäjärekkisterissä. Hantteeraus henkilötioista tarkottaa muun muassa asiakaskomynikasuunia palveluista.

Paikka ja taatumii

Huoltajan nimikirjotus
